



ბიზნესის სკოლა (ESM) ფინანსების სამაგისტრო პროგრამა

პროგრამის სახელწოდება

ფინანსები

მისანიჭებელი კვალიფიკაცია

მაგისტრი ფინანსებში

სწავლების მოცულობა კრედიტებით

120 ECTS

სწავლების ენა

ქართული

პროგრამის მიზანი

სათუნანსო დისციპლინების დამატებითი და სპეციფიური ცოდნის მიღება სულ უფრო და უფრო მნიშვნელოვანი ხდება ამ სფეროში დასაქმებული პროფესიონალებისათვის. სათუნანსო მოდელები რთულდება და რეგულაციები უფრო მრავალასპექტიანი ხდება.

საგანმანათლებლო პროდუქტების მოთხოვნაზე დაკვირვებით, აბიტურიენტების, ბაკალავრიატის სტუდენტების, კარიერის დასაწყისში მყოფი პროფესიონალების და მაგისტრანტების საჭიროებებსა და მოლოდინებზე დაყრდნობით ვლინდება, რომ მათი ინტერესები ფინანსების დისციპლინების მიმართ მზარდია და სულ უფრო სპეციფიური ხდება.

ისინი აცნობიერებენ, რომ ფინანსების, მისი მართვისა და გადანაცვების მიღების ინსტრუმენტების ცოდნა სტრატეგიულად მნიშვნელოვანი და მოთხოვნადია ბიზნესში დასაქმებული პროფესიონალისათვის.

თავისუფალი უნივერსიტეტის, ფინანსების სამაგისტრო პროგრამის მიზანია, მაგისტრანტებს შეუქმნას გარემო, სადაც ისინი შეძლებენ გაიღრმავონ საფინანსო დისციპლინების თეორიული ცოდნა, ასევე გაუუმჯობესდეთ კონტექსტის შეფასების უნარები, რათა უფრო გამართულად უპასუხონ პრაქტიკაში დასმულ ამოცანებსა და გამოწვევებს.

დასაქმების სფეროები

პროგრამის დასრულების შემდეგ კურსდამთავრებულები გააგრძელებენ მუშაობას უფრო მაღალი თანრიგის/რანგის მენეჯერებად და ბიზნეს-ანალიტიკოსებად/კონსულტანტებად უკეთესი კარიერული წინსვლის პერსპექტივით.

ისინი შეძლებენ ორგანიზაციების და პროექტების ფინანსური ნაწილის მართვას და საინვესტიციო გადანაცვებების მიღებას. შეძლებენ იყვნენ მთავარი საფინანსო მენეჯერები (CFO).

პროგრამაზე დაშვების წინაპირობა

სამაგისტრო საგანმანათლებლო პროგრამაზე დაიშვება პირი, რომელსაც აქვს ბაკალავრის კვალიფიკაცია. სამაგისტრო პროგრამაზე ჩარიცხვა ხდება კანონმდებლობით დადგენილი წესით.

პროგრამაზე სწავლა შეუძლია უმაღლესი საგანმანათლებლო დანესებულების ბაკალავრის კვალიფიკაციის მქონე პირს, რომელმაც „უმაღლესი განათლების შესახებ“ საქართველოს კანონის, საერთო სამაგისტრო გამოცდის დებულებისა და თბილისის თავისუფალი უნივერსიტეტის შიდა რეგულაციების შესაბამისად მოიპოვა უფლება ისწავლოს თბილისის თავისუფალ უნივერსიტეტში.

მაგისტრანტობის კანდიდატების ხელშეწყობისა და სტუდენტების მობილობის მიზნით უმაღლეს საგანმანათლებლო დანესებულებაში სწავლა საერთო სამაგისტრო გამოცდების გავლის გარეშე, საქართველოს განათლებისა და მეცნიერების სამინისტროს მიერ დადგენილი წესით და დადგენილ ვადებში დასაშვებია:

ა) მაგისტრანტობის კანდიდატებისათვის, რომლებმაც უცხო ქვეყანაში მიიღეს შესაბამისი უმაღლესი განათლების აკადემიური ხარისხის დამადასტურებელი დოკუმენტი;

ბ) უცხო ქვეყნის მოქალაქეებისათვის (გარდა ერთობლივი უმაღლესი საგანმანათლებლო პროგრამის მონაწილე სტუდენტებისა და გაცვლითი საგანმანათლებლო პროგრამის მონაწილე სტუდენტებისა), რომლებიც სწავლობენ/სწავლობდნენ და მიღებული აქვთ კრედიტები/კვალიფიკაცია უცხო ქვეყანაში ამ ქვეყნის კანონმდებლობის შესაბამისად აღიარებული უმაღლესი საგანმანათლებლო დაწესებულების მაგისტრატურაში;

გ) საქართველოს მოქალაქეებისათვის (გარდა ერთობლივი უმაღლესი საგანმანათლებლო პროგრამის მონაწილე სტუდენტებისა და გაცვლითი საგანმანათლებლო პროგრამის მონაწილე სტუდენტებისა), რომლებიც სამინისტროს მიერ განსაზღვრული ვადით ცხოვრობენ/ცხოვრობდნენ, სწავლობენ/სწავლობდნენ და მიღებული აქვთ კრედიტები/კვალიფიკაცია უცხო ქვეყანაში ამ ქვეყნის კანონმდებლობის შესაბამისად აღიარებული უმაღლესი საგანმანათლებლო დაწესებულების მაგისტრატურაში;

დ) მაგისტრანტობის კანდიდატებისათვის, რომლებიც უმაღლეს საგანმანათლებლო დაწესებულებაში ჩაირიცხნენ ეროვნული გამოცდების გავლის გარეშე უმაღლესი განათლების შესახებ კანონის 52-ე მუხლის მე-3 პუნქტით დადგენილი წესით.

საგანმანათლებლო პროგრამაზე ჩარიცხვა ასევე შესაძლებელია მობილობის წესით, საქართველოს განათლებისა და მეცნიერების მინისტრის 2010 წლის 4 თებერვლის N10/ნ ბრძანებით დამტკიცებული უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესის შესაბამისად.

საგანმანათლებლო პროგრამაზე ჩარიცხვის დროს, მხედველობაში მიიღება კანონმდებლობის მოქმედი რედაქცია.

თბილისის თავისუფალი უნივერსიტეტის მიერ განსაზღვრულია პროგრამაზე დაშვების შემდეგი წინაპირობები:

- კანონმდებლობით დადგენილი წესით საერთო სამაგისტრო გამოცდების ჩაბარება
- შიდა საუნივერსიტეტო გამოცდის (გასაუბრების ფორმით) წარმატებით გავლა

გასაუბრებას აქვს ინტერვიუს ფორმა, სადაც მოწმდება:

- კანდიდატის კრიტიკული და ლოგიკური აზროვნების უნარი რაოდენობრივი და ხარისხობრივი სიტუაციების ანალიზის საფუძველზე
- მისი პიროვნული უნარ-ჩვევები, რაც განსაზღვრავს კანდიდატის მოტივაციას, ლიდერობას და ეფექტური კომუნიკაციის უნარს.

სწავლის შედეგები

ფინანსების სამაგისტრო პროგრამის დასრულების შემდეგ, კურსდამთავრებულს ჩამოუყალიბდება ქვემოთ ჩამოთვლილი ზოგადი და დარგობრივი კომპეტენციები:

ზოგადი კომპეტენციები

- აქვს საკუთარი თავის მართვის, ემოციებისა და ქმედებების მართვის უნარი
- აქვს პერსონალის მოტივირებისა და მართვის უნარი
- პრობლემების იდენტიფიცირების და ამოცანების დასმის უნარი
- პრობლემებისა და ამოცანების პრიორიტიზირების უნარი
- აქვს საკუთარი და თანამშრომლების დროის მართვის უნარი
- იცის ლიდერობის პიროვნული საფუძვლები და საკომუნიკაციო ინსტრუმენტები
- ჯგუფში მუშაობისა და გუნდის მართვის უნარი
- კარგად ფლობს მათემატიკური და საფინანსო ანალიზის მეთოდებსა და ტექნიკებს
- შეუძლია აქტუალურ ეკონომიკურ და საფინანსო საკითხებზე არგუმენტირებული მსჯელობა

დარგობრივი კომპეტენციები

- აქვს საფინანსო დისციპლინების ღრმა და სისტემური ცოდნა
- შეუძლია საბაზრო და საფინანსო პროცესებზე დაკვირვება, ახსნა, ანალიზი, პროგნოზი
- ფლობს სათანადო ტექნიკებსა და ინფორმაციას იმისათვის, რომ შეძლოს კომპანიის და პროექტების ფინანსური საკითხების შეფასება, გადანყვეტა და მათდამი შემოქმედებითი მიდგომა

მიღწეული შედეგები სამაგისტრო პროგრამით ფინანსებში შეესაბამება ეროვნულ საკვალიფიკაციო ჩარჩოში, მეორე საფეხურისთვის განსაზღვრულ ექვს კრიტერიუმს.

ცოდნა და გაცნობიერება

- ეცოდინება საფინანსო ინფორმაციის აღქმის, მომზადების წესები, მეთოდები და მიდგომები ფინანსური ანგარიშგების საერთაშორისო სტანდარტების მიხედვით
- სრულფასოვნად ეცოდინება ბიზნესში წარმოქმნილი საფინანსო დანახარჯების სტრუქტურები
- სიღრმისეულად ეცოდინება სხვადასხვა ტიპის ბიზნესის ბიუჯეტირების პროცესი
- გაცნობიერებული ექნება საფინანსო გარიგებების ტიპოლოგია და ბუნება
- გაცნობიერებული ექნება საფინანსო ინვესტიციების არსი, ტიპოლოგია და ბუნება
- ეცოდინება საინვესტიციო გადაწყვეტილებების მიღების მეთოდები
- ეცოდინება კომპანიის შეფასების მეთოდები
- ეცოდინება ფინანსური ბაზრების სტრუქტურა და მუშაობის პრინციპები
- ეცოდინება კვლევის სხვადასხვა მეთოდი

ცოდნის პრაქტიკაში გამოყენების უნარი

- შეეძლება ფინანსურ ანგარიშგების მომზადება და ამ პროცესის მართვა
- შეეძლება ფინანსურ ანგარიშგებებზე დაყრდნობით შესაბამისი დასკვნებისა და გადაწყვეტილებების მიღება
- შეეძლება ხარჯთაღრიცხვის მომზადება
- შეეძლება ხარჯთაღრიცხვაზე დაყრდნობით სწორი ტაქტიკური თუ სტრატეგიული გადაწყვეტილებების მიღება
- შეეძლება საოპერაციო და საფინანსო ბიუჯეტის შედგენა და ანალიზი
- შეეძლება ბიუჯეტირების პროცესში გადაწყვეტილებების მიღება
- შეეძლება კომპანიის ფინანსური ანალიზის ჩატარება და ამ პროცესის მართვა
- შეეძლება კომპანიის ღირებულების გაზრდაზე დაფუძნებული გადაწყვეტილებების მიღება
- შეეძლება საინვესტიციო პროექტის შეფასება
- შეეძლება კომპანიის შეფასება და შესაბამისი პროცესის მართვა
- შეეძლება საინვესტიციო, თუ საკრედიტო გადაწყვეტილებების მიღება
- შეეძლება დაფინანსების ფორმების შერჩევა და კაპიტალის ოპტიმალური სტრუქტურის დაგეგმვა
- შეეძლება ფინანსური გარიგებების დაგეგმვა და წარმართვა
- შეეძლება საფინანსო სფეროსათვის დამახასიათებელი რეგულატორული პრობლემების იდენტიფიცირება, პრევენცია და მარეგულირებელ საკითხებზე ადეკვატური რეაგირება

- შეეძლება საგადასახადო რისკების იდენტიფიცირება და შესაბამისი პროცესების წარმართვა
- შეეძლება ორგანიზაციაში არსებული პროცესების ანალიზი საფინანსო კუთხით და მასში კონტროლის პროცესების დანერგვა
- შეეძლება სტატისტიკური მეთოდების პრაქტიკულ ამოცანებში გამოყენება
- შეეძლება კვლევისა და ანალიზის მეთოდების გამოყენება
- შეეძლება ბიზნესის ამოცანების Excel-ში მოდელირება

დასკვნის უნარი

- შეეძლება სტატისტიკური მოდელების შექმნა და არსებული პრაქტიკული ამოცანების გადანყვეტა მათი მეშვეობით
- შეეძლება საფინანსო პროცესების დინამიკის ახსნა, გრაფიკული პრეზენტაცია და მათი ანალიზი
- შეეძლება ბაზარზე ფასებისა და სხვა მნიშვნელოვანი ინდიკატორების ცვლილებებზე დაკვირვება, მათი გამომწვევი მიზეზების დადგენა და ანალიზი
- შეეძლება სტანდარტული ტიპის პროგრამული პაკეტების გამოყენებით მათემატიკური და საფინანსო ანალიზი
- შეეძლება საინვესტიციო რისკების შეფასება
- შეეძლება ხარჯთაღრიცხვის მომზადება და სხვადასხვა სისტემების ანალიზი
- შეეძლება ფინანსური სტრატეგიის დაგეგმვაში მონაწილეობა და წარმატებულობის შეფასება
- შეეძლება მიღებული შედეგების გაანალიზება და შესაბამისი სტატისტიკური დასკვნების გაკეთება
- შეეძლება მიკრო და მაკროეკონომიკური თეორიების ბაზრის ანალიზისა და საფინანსო გადანყვეტილებებისათვის გამოყენება
- შეეძლება ფინანსური რისკების იდენტიფიცირება, შეფასება, მართვა და შესაბამისი გადანყვეტილებებისათვის მათი გამოყენება

კომუნიკაციის უნარი

- ეცოდინება პრეზენტაციის და კომუნიკაციის პრინციპები
- შეეძლება კვლევის შედეგების პრეზენტირება
- შეეძლება გუნდში მუშაობა და მისი მართვა
- შეეძლება ფინანსურ გარიგებებზე კომუნიკაციის წარმართვა
- შეეძლება საინვესტიციო გადანყვეტილებებზე კომუნიკაციის წარმართვა
- შეეძლება ინვესტორებთან კომუნიკაცია

- ეკოლინება პრეზენტაციის ეფექტური წარმართვის ტექნიკები

სწავლის უნარი

- შეეძლება სწავლისა და ცოდნის მუდმივად განახლება
- შეეძლება შესაბამისი რესურსებისა და წყაროების მოძიება

ღირებულებები

- გაცნობიერებული ექნება თავისუფალი ბაზრის იდეები
- გააზრებული ექნება საკუთრების უფლების პრიმატის პრინციპი
- გაზიარებული ექნება ლიბერალური დემოკრატიის პრინციპებს
- დაათვასებს განსხვავებებსა და კულტურულ მრავალფეროვნებას
- გაცნობიერებული ექნება პროფესიული პასუხისმგებლობა
- გაცნობიერებული და გაზიარებული ექნება ბიზნეს- და კორპორატიული ეთიკის პრინციპებს.

სწავლებისა და სწავლის მეთოდები

სწავლის შედეგების მისაღწევად გამოიყენება შემდეგი მეთოდები: დისკუსია/დებატები, წიგნზე მუშაობის მეთოდი; ვერბალური მეთოდი; თანამშრომლობითი სწავლება; ჯგუფური მუშაობა; პრობლემაზე დაფუძნებული სწავლება; ევრისტიკული მეთოდი; შემთხვევების შესწავლა (Case study); როლური და სიტუაციური თამაშები; დემონსტრირების მეთოდი; ინდუქციური მეთოდი; დედუქციური მეთოდი; ანალიზის მეთოდი; სინთეზის მეთოდი; ახსნა-განმარტებითი მეთოდი და სხვა.

მიღწეული სწავლის შედეგების გაზომვისას გამოიყენება როგორც მათორმირებელი ისე შემაჯამებელი შეფასების ფორმები. ესენია: საშინაო დავალებები, ტესტები, ზეპირი და წერილი გამოცდა, პრეზენტაცია, ესეები, ქეისის წერილი გარჩევა, ქეისებზე დისკუსია, ანგარიშები და სხვა.

ცოდნის შეფასების სისტემა

სტუდენტის ცოდნა ფასდება 100-ქულიანი სისტემით. შეფასება მრავალკომპონენტანია და შეესაბამება საქართველოს განათლებისა და მეცნიერების მინისტრის 2007 წლის 5 იანვრის N3 ბრძანებით დამტკიცებულ უმაღლესი საგანმანათლებლო პროგრამების კრედიტებით გაანგარიშების წესს. სტუდენტის ცოდნის შეფასების დროს, პროგრამის განხორციელებაში ჩართული აკადემიური და მონვეული პერსონალი ვალდებულია გამოიყენოს ზემოაღნიშნული წესი. ცოდნის შეფასებისას გამოიყენება შემდეგი სქემა:

ხუთი სახის დადებითი შეფასება:

- (A) ფრიადი – შეფასების 91-100 ქულა
- (B) ძალიან კარგი – მაქსიმალური შეფასების 81-90 ქულა
- (C) კარგი – მაქსიმალური შეფასების 71-80 ქულა
- (D) დამაკმაყოფილებელი – მაქსიმალური შეფასების 61-70 ქულა
- (E) საკმარისი – მაქსიმალური შეფასების 51-60 ქულა

ორი სახის უარყოფით შეფასებას:

- (FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება
- (F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

სასწავლო გეგმა

კურიკულუმი შედგება ოთხი მოდულისა და არჩევითი საგნებისგან. საგანმანათლებლო პროგრამას თან ერთვის კურიკულუმი და მოდულური გეგმა.

ადამიანური და მატერიალური რესურსები

თბილისის თავისუფალი უნივერსიტეტი ახორციელებს საგანმანათლებლო პროგრამას გამორჩეული კვალიფიკაციისა და წარმატებული გამოცდილების მქონე აკადემიური და მონვეული პერსონალით.

საგანმანათლებლო პროგრამის განხორციელება უზრუნველყოფილია ფინანსურად და მატერიალურად. პროგრამის განსახორციელებლად უნივერსიტეტი გამოყოფს შესაბამის ფინანსურ და მატერიალურ რესურსს. საგანმანათლებლო პროგრამა განხორციელდება კახა ბენდუქიძის კამპუსში, რომელიც აღჭურვილია მაღალი ხარისხის განათლების მისაღებად საჭირო ინვენტარით და ყველა სხვა რესურსით.